

楊文定公詩集

楊文定公詩集序

詩自三百篇而下其體屢變其音
節高下世異而人不同然其和平
雅正無雕刻險怪之弊者大抵皆
盛世之音也觀漢魏六朝以及隋
唐宋元諸家篇什槩可見矣惟我
皇明混一區宇右文興治超軼前代
至宣德正統間治教休明民物康
阜可謂熙洽之時矣當是時以文

學顯用者有三楊公焉而文定楊公湖廣石首人也湖廣古荆楚地今天下大藩其山有衡岳之秀拔水有洞庭江漢之清激山川奇氣世鍾于人而公獨得是氣之異力學充養益宏以深登名進士列官翰苑在宣德中入侍

禁庭備顧問者十載名德浸浸乎彰聞迨正統初遂與泰和楊文貞建

安楊文敏二公同居內閣協心匡
商並列三孤之位一時功名事業
烜赫盛大屹然為

朝廷之表儀縉紳之冠冕天下人望
咸歸重焉其後二楊公沒公歸然
獨存年益久而望益重士大夫有
得其詩文者莫不藏弔以為榮公
亦樂於應人之求肆筆成章皆和
平雅正之言其視務工巧以悅人

者遠矣何也蓋其資稟之異涵養之深所處者高位所際者盛時心和而志樂氣充而才瞻宜其發於言者溫厚疏暢而不雕刻平易正大而不險怪雍雍乎足以鳴國家之盛豈偶然哉語曰有德必有言記曰治世之音安以樂其公之謂歟公沒三十餘年姑蘇項君璉來為湖廣憲使以公是邦之望乃

取其詩刻梓以傳介禮部貢外周
宗智屬予序嗚呼公之功業固不
待詩以顯而其詩有不可不傳者
蓋公心志學術之所存也誠使後
學即此而觀得其所存之實有所
感慕興起詞聲續於方來豈不為
為湖廣山川之重哉是故項君嘉
德尚賢啓迪邦人之美意然使天
下後世咸知治世之音如此則於

風教亦未為無補云予故推本其
意序諸篇端庶讀者興焉

成化伍年歲次己丑秋九月旣望

賜進士及第資政大夫

太子少保吏部尚書兼

文淵閣大學士知

制誥同知

經筵事

國史總裁安成彭時序

楊文定公詩集卷之一



四言古詩

題畫

莘野耕夫有商先正垂祀六百本之三聘

成湯聘伊尹

恭默之餘天眷良輔以夢得之大旱霖雨

高宗得傅說

明良遭際天拯斯民岐周事業渭水絲綸

太公遇文王

草廬三顧出師二表志復中原天日皎皎

先主訪孔明

乾坤清氣海嶽英靈千載風月咫尺蓬瀛

呂洞賓

莘野五章章四句

題枯木竹石贈大司寇魏公致仕

喬喬者木在彼巖谷上有女蘿下有脩竹

竹猗猗女蘿累累鬱鬱考槃君子攸歸 繫維

君子廟堂之器胡不少留知足知止 大江之

西殊鴻造飛無金玉爾音以慰我思

喬喬者木四章章四句

題王博士竹菊圖

楚楚菊載芬載馥允懷幽人在彼空谷 娟

娟者竹如金如玉捲維君子高歌淇澳 三槐

之堂世澤孔滋于以考德豈徒玩斯

楚楚者菊三章章四句

有暉其芝為禮部尚書胡公賦也公拜尚
書之八年宣德癸丑芝生南宮之東軒朝
之士大夫咸嘉異之少保蹇公名其軒曰
芝軒翰林學士楊溥因賦是詩以美之也
有暉其芝寔生南宮南宮維恤禁城之東文昌
之位禮樂之司位望維崇維芝之生厥有攸從
懿我聖天子禮樂宗主思隆政教以和神人

以洽海宇簡俾宗伯為時碩輔厥芝之生實維
其所茲惟宗伯寔典三禮天地宗廟百神之
祀克敬克誠以承聖天子神用嘉悅以昭令德
以臻貺施茲惟宗伯相我聖天子以親邦國
邦國來同肅肅雍雍萬邦承式惟芝之生亦惟
宗伯克宣聖德維芝曄曄郁郁芬芬瑩瑩晶
晶如玉如瓊元氣之會至和之蒸日月之光兩
露之華草木之英人亦有言天不容偽匹夫
匹婦有以格之惟誠之至矧惟宗伯德孚於位

爰考厥祥有引無替 人之有德有變有遷曰
惟宗伯溫恭有度不隨而和不厲而堅爰自先
朝夙夜庶幾罔有或愆 爰自先朝宣力於時
以廣諮詢以貳春官以教國子天寵日臻是維
川嶽毓秀鍾英為時名臣 雨降雲蒸桐生鳳
鳴和氣流行五辰之順萬物之亨百谷之順成
惟天子之澤惟賢哲顯相尚於斯有徵 於維
天道受益以謙招損以盈昔有虞君臣觀鳳凰
之儀而益兢兢惟君子敬承以答聖明以隆太

平

有睟其芝十章章九句

孝徵為黃孝孫賦也孝孫年十二祖母病篤思螺食時天寒沍螺不可得孝孫懇求之祖母食之而愈人嘉其孝感孝孫名璵字公璵今為戶部尚書

維孝有徵匪螺之斯天有顯道誠乃動之
彼祖母遘疾惟虐而思螺食如饑如渴
天氣
方肅萬物閉藏螺胡可得室家皇皇
豈無童

僕淘彼泥滓空筐告還末繇也已 有微孝孫
走屬南塘趾不再舉有螺盈筐 南塘洋洋千
百其畝人再求之漠乎無有 嗟彼螺斯夫豈
有知天眷純孝而以俾之 乃淪乃湘乃奉祖
母一啜之間厥疾乃愈 孝孫惟時年甫一紀
昭茲令名達厥州里 孰無父母以育子孫庶
幾成立匪計思勤 孰無子孫以養父母始終
弗踰世則希有 嗟彼世人孝如黃孫熙熙
皞皞之民 懿厥孝孫克勤職位靡重孝心

斯民之惠 民受其惠福祿彌崇
孝孫移孝為忠

孝徵十四章章四句

退思齋為少師吏部尚書蹇公賦也公歷
事四朝進位三孤國家倚重蒼生屬望燕
居以退思名厥有以哉翰林學士楊浦賦
詩以美之

退思於斯其真惟與其正惟陽洞然八荒
君子至止以燕以息可酌可觴以怡壽康
云胡不遑

君子惟曰懿我大君萬化之原我其臣鄰保
泰亨也惟經惟綸弘我寅亮用勗成績匪思曷
臻君子惟曰國以賢實澤乃遠施否而連茹
泰不遐遺衡門鄩屋豈無棲遲我思悠悠載詠
緇衣君子惟曰我思虞唐稷契臯夔思日贊
襄思民饑溺起焉如傷亦越周公思無三王斯
沒世不忘君子惟曰我退弗思進奚以告我
進以告退思之熟相彼先哲進退惟較庶幾夙
夜以啓以沃偉矣君子岷山大江毓秀鍾英

厚德雅量夙底于成榮光顯爵不溢於盈惟所
思有恒而百福是膺予君子是望升君子之
堂再拜稽首祝君子壽康緬惟成績允焉不忘
思與斯民躋大順之世詎帝德之光

退思七章章九句

瑞應駒虞詩有序

皇上嗣登大寶海內清寧四夷賓服深仁厚澤
光洽群生於是天地發祥嘉瑞駢集乃宣德四
年春二月滁州進駒虞二素質玄文尾叅於身

不踐生草不食生物是謂仁獸萬姓歡覩百辟
交慶咸以爲希世之祥臣漙竊惟帝王之世至
和之氣敷暢旁達凝精萃華是生靈物皆爲禎
祥然天人感應各以其類考之古可見矣庖犧
氏仰觀天象俯察地理旁觀鳥獸之文以閏造
化立人極而龍馬負圖出於河湄紹堯致治功
以九成樂以九敘蕭韶奏而鳳凰來儀禹治洪
水地平天成六府三事允治而神龜出於洛感
通之理固不偶也夫易曰天地之大德曰生伏

惟皇上以天地之德為德仁民愛物之心達
之禮樂刑政施之於天下故霜露所墜日月所
照天地所覆載咸圓於生成騶虞之見可以昭
皇上好生之德也况滁州審通皇陵實

太祖高皇帝龍飛之地聖聖相承七十年于

茲矣騶虞之見不先焉不後焉誠以皇上統

承之功光昭前烈而天地祖宗顯相之以隆丕

圖於萬萬斯年也昔文王化被南國恩及庶類

而騶虞詠於詩于時子孫歷世三十歷年八百

享國長久超於夏商亦惟仁厚之澤及於民者
深也 皇上大德克符文王而騶虞之見實維
其時 國家萬萬年太平之徵蓋肇於茲矣臣
溥猥以菲材備職禁近躬覩禎祥無任欣慶之
至惟古昔帝王嘉駉之臻在當時必有詩歌以
傳來世臣溥不揣荒陋拜手稽首而獻詩曰
宣德己酉仲春惟良天錫嘉駉為國禎祥 猊
首虎軀玄文素質是曰騶虞不食生物 若昔
大猷河圖洛書鳳凰來儀異世同符 懿茲仁

獸來自畿甸用昭聖德千載一見 聖德之大
本乎好生仁民愛物澤被八紘 至和周流萬
彙蕃殖仁獸之臻好生之德 惟茲畿甸有衍
其滌聖祖飛龍密通中都 仁獸之見實於其
間用昭聖德不後不先 昔孰斯秘今孰斯揚
惟皇繼統前烈有光 昔在文王仁化流行騶
虞之見光著前經 惟皇大德允協文王小心
翼翼視民如傷 文王子孫歷年八百超越夏
商仁厚之澤 惟皇大德允協文王聖子神孫

穆穆皇皇 惟皇之德惟天之佑福壽萬年天
地同文 聖子神孫宜君宜王 大統巍巍地久
天長

天錫十五章章四句

題竹石圖

維石巖巖維竹猗猗玩斯憇斯君子攸宜 曰
貞匪石曰清匪竹同德相親君子攸暱 竹之
茂斯芳陰永晝石之貞斯歲月同久 芳陰永
晝九夏其涼歲月同久永真廟廊 廟廊孔肅

堯舜重熙韶音九奏鳳皇來儀

維石五章章四句

題畫

巖谷窈窕雲林蒼蒼有隱君子厥德聿章
德聿章達之四聰丹書玉節申致微庸
君德增輝士望丕著景星慶雲萬目爭覩
越自有商時惟傳說講學論道弼成君德
亦越有周渭水之陽時惟太公于征伐商
為時霖雨為時鷹揚同德相求萬世有光
玉帛玄纁蒲輪

安車力行一言而遂見疏
卓哉申公直言正
對千載之下庶幾無愧
明良相遇天假其遂
民生休戚治道汙隆
告爾隱者度德審義或
出或處無貽世議
聖賢之道猶名責實沽名
俸進於道何益
拜觀斯圖仰稽古道是用贊
之永為世寶

巖谷十二章章四句

楊文定公詩集卷之二

五言古詩

宣德丙午扈駕巡邊途中感興十首

膏車度重關。重關路漫漫。
兩廂旣充仞。四牡何盤桓。
翹首望前軌。迢迢不可攀。
任重難為力。臨岐發長嘆。
行行臨巨川。巨川波茫茫。
欲濟無全楫。此心正彷徨。
美人欲結好。貽我斐明璫。
所關匪在此。願君若寶藏。
昔年鑄寶劍。自許干將同。
登山可刺虎。入水可屠龍。
朝來方一試。縮

手避前鋒撫劍三嘆息百鍊無全功
策馬登崇崗一覽洞八荒山川限南北
華夷有定疆倚與商周盛以德為保障
秦隋勤遠畧禍亂起蕭牆前車旣脫輻
後車屢却行幸爾出險道蒸徒發歡聲
為語推車人戒慎宜有恒不見平路上
覆轍方縱橫團獵北山麓聯騎營東門
北去有坦道東行多荆榛乃逐東行人
迂途良苦辛人事恒類此感嘆徒勞神
同居共安遠同行共辛苦牽車朝出門
長坂沙沒輪前呼後相

應推挽到平津豈徒貴同力尤貴同心人
道以平為至物以平為度平川無驚波平田無硤
土何如方寸間片言生喜怒諒我君子心涵養
良有素出門寂無聲回首歌載道不歷跋涉
艱寧知在家好渴僕飲濁流饑馬嚙枯草翹首
望征鴻高飛白雲表
鷄鳴唐東征山崩元北
去東征竟何功北去無遺虜逸豫非保邦輕騎
亦招侮山下有窮碑猶記當時路

東征十首

皇明國六合化理始親親嗟彼東藩國胡為懷
不臣逋逃萃淵藪豺虎群噬人聖皇重宗社仗
鉞出嚴宸熊羆百萬旅號令肅雷霆但見旌
旗舉不聞人馬聲重圍在指顧殺氣壓孤城六
軍不可遏天子恤蒼生至仁不嗜殺神武先
伐謀而彼敢稱亂曾不展一籌我甲猶在櫜我
子弦未發前軍大鼓譟禍首已俘囚最爾樂
安城迢迢在東鄙國家久成平生靈踰萬齒父
子持兵戈惶惶非得已萬死幸一生上賴聖天

子 管叔死流言東平樂為善吉凶恒在人千
古有懲勸區區勝廣徒乘彼秦民怨聖朝恤民
隱伊誰并禍亂 偉矣東征士奮迅如熊羆成
算自天出桓桓張國威東山詠婦嘆羽林恤孤
兒撫養誠有素決勝在一時 撓槍耀齊分龍
御勤六師出門馳馬去不暇告妻兒親友送我
行歆語難為辭死生豈不恤國事身以之 偕
行孰與守偕守孰與行從征固所願國計重都
城停雲彌楚望駐馬難為情願言各努力用以

蒼昇平 立馬臨東光 翹首望南紀 白雲邈孤
飛親舍千萬里 國事幸已寧 鑒旂告旋止 好音
托征鴻 臨風歌陟屺 我持不根學 忝充禁近
臣 論思殊無補 三接徒勞尊神武 自天縱翼贊
有同寅 出師僅旬日 千里絕妖氛 明堂正斧
扆 百辟慶成功 帝曰憶萬國 治忽在朕躬 周公
追管叔 俛首有威容 國家尚寬典 庶以全始終
處否終則傾 處泰誠云復 所以古聖人憂勤
日不足 大器戒滿盈 平原慎馳逐 願獻勅天歌

萬年享天祿

駢鷄

靈鷄來異域烟然鸞鶴儔玄衣縞素裳逸氣凌
高秋蓬萊烟霞表舉目八極周豈無懷土情兩
露荷恩庥禁御清晝永飲啄何優游願罄司晨
職千古告宸旒

五色鸚鵡

隴頭有靈禽飛來上林樹身被五彩衣繡縠黃
金縷饑冷玄圃芝暖沐天池雨臨風振羽儀春

德不能去日上萬年枝殷勤學人語誓隨鵷鳳
班嵩呼聖明主

麒麟

圖象昭萬化方儀效群生風氣旣云異品物隨
以形美此龍鳳侶光彩耀青冥齋身冠犀首萬
里來天庭王會昔有圖山海傳遺經聖人廣至
德千載昭譽名作歌被金石予以告其成

題揚少傳五清卷

萬玉林

家山湘水西春風花萬樹別來白髮生花開知
幾度披圖起遐思雲山共朝暮

雪景

山居足幽賞朝雪汎氛飛寒花滿林木清氣逼
書帷村酒可共笑長歌頻并詩

秋景

涼風度西嶺溪水散微陰興來理孤棹林外訪
知音但見霜露晚不知秋已深

竹石

烟稍拂雲根秀氣欲凌空午窓落相對颯然來
秋風誰羨渭川叟千畝在胸中

山水

晴烟帶茅屋閑雲護荆扉獨憐猿鶴侶霜月懷
清輝山中有真趣何日當來歸

山上有流泉山下有良田流泉無涸澤良田多
豐年緬懷莘野老浩歌秋風前

流泉下深磧白雲起層巒泉流抱山麓雲去暮
復還人生貴適意山水有餘閒

東山書屋五首為吳縣葉知縣題

東甌古名郡山水曼清奇中有讀書人結屋東
山陞書聲徹林谷山色入簾幃歲月有代謝此
心惇自怡

東風泛晴光化日舒已長朝來微雨過草木揚
清芬俯仰宇宙內生意何洋洋展卷讀幽風載
歌舉趾章

槐陰漲新綠庭戶羅芳陰薰風以時至清涼滌
煩襟試淪先春茗焚香理瑤琴稽首仰重華悠

悠阜民心

梧桐落金井涼風暑雨餘
齋居益爽愷獨坐對
群書藍袍怯秋風掩卷步前除
却憶同袍者卒
歲衣如何

同雲彌八表六花映簾櫳
端居讀我書心鏡同
昭融四時有代謝萬物貴成功
雖彼高壩上射
準須良子

題秋江送別山西王參政賦

西山雲漠漠踰水河茫茫水
流歸大海雲飛遍

亨蒼人生設孤矢所志在四方况逢聖明日海
宇熙春陽秋風吹征鴈翩翩度太行太行遙在
望別酒不盡觴聖明恤民隱藩垣托賢良旬宣
古有道千載詠甘棠

楊郎中別後寫懷

人生相識惟那知相識苦惟由契誼深苦由離
別遠綢繆尊酒間片言膠漆固其如宦途中經
營異岐路人情貴有恒王事慨未監况我君子
心高堂有慈母

題上林春意圖

禁垣值歲暮雪花浩無垠誰知嚴凝際氣和洽
輪囷古幹苔未綠南枝花已繁匪徒顏色好馨
香發清芬庾嶺烟彌畫西湖山連村何如高明
境草木先逢春伊人得妙趣揮洒若有神雅懷
素相契寶玩惜尤親有時理瑤琴有時酌金尊
高歌白雪調怡然樂天真萬物思得所此心貴
恒存大觀洞至理奚獨於斯云

題墨梅為荊門州守賦二首

玲玲玉泉水，栽栽紫蓋山。郡有賢太守，種梅山水間。
時當嚴寒際，花開滿樹端。山凝素色遠，水沉疎影寒。
公廳日無事，憑軒縱遐觀。香風歛晴靄，水雪共彌漫。
清賞不易足，孤桐還再彈。塵慮總消釋，心與梅花間。
披圖爲君題，勉君善加餐。華棠有遺詠，前躅良可攀。

題紅梅

汎觀宇宙內，物理浩無窮。草木千萬種，發生有異同。
紅梅值歲暮，花開滿故叢。皎潔本恒性，造

化著奇功霜雪正嚴
返陽和已漸通嘉興
群卉共滿面生春風
却憐桃李花灼灼生
芙蓉乘時逞姿媚零
落隨飛蓬聲色本物
外至理原降衷君子
存在我披圖慨于中

感懷

嗟我年少日淺學不
自知况爲官府逼呈
朴來京師父老送我行
駐立江之濱翹首望
行舟含淚難爲辭老
母不出門雙羊挽我
衣長哭拊我語况去
何時歸宦途歷夷險
悲喜常相依今餘

四十載每憶別親時劬勞不可報音容邈難追
顧我日亦邁黑髮盡成絲褒封有恩命顯揚
何能為廩祿有餘裕口體徒自怡歲時備尊俎
亦以展孝思何如及奉養潛泊勝年肥江流日
東逝陽鳥忽西馳先隴遙在望終身抱沉悲

題蘇武車陵泣別圖

孤臣老雪窖降將權貂裘寄廬徙漠北茂林長
松揪失身世所棄秉義天見酬腥羶非樂土誰
能為去番馭夷古有道蹟武終貽羞孤軍戒深

入輕敵非良謀胡沙風獵獵秦塞雪悠悠把袂
淚如雨一別千古殊

送蘭學士致仕還鄉

詞林廿載交金臺一尊酒臨別論素心相看俱
白首把酒為君歌起舞為君壽虛舟任縱橫安
車不馳驟維君出仕初英姿照清畫中歲徹車
比焚龍並鴈蓮却憶諸少年同時紆組綬智慧
豈不多平直天所佑七旬古亦稀知足庶無咎
况有先業存禾麻連隴畝烹羔釀村醪時復招

親友洛社有遺風伊誰繼其後

送李茂弘員外致仕還鄉

皎皎水霜操稜稜松柏姿宦遊三十載雙鬢已
成絲明鑑不窮物良器擇所施爍風吹征馬油
然起遐思翹首望鄉邑白雲渺天涯琴書僅成
束孤舟溯水湄為君調玉軫載歌陽春辭聞者
三嘆息勿謂知音稀

題竹送張僉都

楚山鬱蒼翠湘水漾澄漣秀氣毓文物皎皎蘭

臺僊霸空孤月曉群彙分姪妍餘光燭幽隱顛
沛復安全古人廣交誼四海兄弟然何如魯君
子子賤猶稱賢暮年終離別幽懷浩難言相期
保真素高歌脩竹篇

張伯銘挽詩

鴈山鬱蒼翠璜溪澹愁雲耆舊不可見遺德猶
在人積金不滿篋買書教兒孫儲粟不盈廩儉
歲明飢貧蒼蒼佑善類諸福日已臻賢郎起科
甲從容列朝紳推恩及先世榮光貴九原宿草

殊霜重宰木春陰繁我歌君子德感愴難為言

送吳都御史致仕

出處關榮辱進退生毀譽大節毫髮與公論丘
山如多君旣艾日飛英天之衢十載清憲紀引
年歸故廬把酒為君壽欲別尚躊躇所貴在君
者終始志不渝田園有戎趣廟廊非虛拘人生
安所寓明月懸清虛

感興

世教重彝典維持託聖賢人類有善惡天道恒

保全舜以堯為父大孝何由宣
替以冊為子那得盡天年
周公奠王室三叔乃流言
悠悠千載下金縢有遺篇

草堂宴集

芝蘭本同氣桃李自成蹊
感彼歲云邁肯與心賞違
迢迢禁城東桑麻連重畦
聯轡縱遊覓我懷浩無涯
惠風休澄景微雨浥芳姿
人生有志樂舉觴歌浴沂

湘江雨意

昔泛湘江棹飛翠曳孤蓬今憶湘江景分明
圖畫中春陰逼林薄萬玉鵲空濛三湘在指顧一
望千里同琴尊日相對煩襟挹清風一盃彈一
曲孤思逐冥鴻

竹雪山房

清標倚窓戶積素接簷楹維茲歲晚景足慰幽
居情褰幃展書讀蠹簡生光明抽絃彈別調餘
音倍冷冷有時揮綵翰有時酌瑤觥臘醅泛寒
碧凍攄水花凝主人樂清致白晝門猶扃何當

語安道為寫剡溪行

題雪竹

冉冉歲云暮百草時已零此君獨何似雪際尤
稜層翻思艷陽日比屋管絃聲但見繁華好誰
識此君清幽人有深趣相好在平生披圖憶安
道寫我千古情

稅王一寧侍講母

關雎無續詠婦德不兩全維家幸有助逮下恒
多愆卓哉王氏母寬裕人稱賢留心教諸子纂

燈對遺編屋毛成五綵高飛凌雲烟 恩命自
天降冠佩人中儔榮華宜壽愷胡為朝露先秋
風滌河曉日送孝廉船

尹侍讀還鄉求題小山書屋

丹山儲靈秀有時生鳳凰飛鳴虞周盛千載稱
嘉祥娥人詩書裔卜築小山陽積學三十年衆
時遂奮揚抽書石渠閣染翰白玉堂大官具珍
羞宮錦裁衣裳幸際太平日吾徒可徜徉優
詔自天降悠然返故鄉山中有餘樂化日正舒

長載歌康衢詠 帝力誰能忘神京遙在日日
月宣重光九韶方協奏停看鳳回翔

為黃少保題水墨小景

勺水具原委枯蘖照化育此心洞物情生意恒
滿日澹澹烟中樹疎疎石傍竹相筱君子懷豈
徒事幽獨類弁詠松蘿白駒歎空谷披圖思悠
然好音無金玉

題小瀛洲

世傳渤海外別有三神山仙人時來往可梯不

可攀誰知有此景乃在咫尺間西望漢石渠東
連魯杏壇六經真區域諸史列江巒芸香祛虫
蠹汗簡貫琅玕百家及群集為防為屏翰主人
東閣彥退食何盤桓上邇洙泗源下叩瀟洛關
直欲凝明心匪徒歸中壘名言有實用大道無
殊端所以古聖人能與世相安三山在何處秦
人去不還雲笈豈無書徒勞論玄丹

題畫

晴嵐彌礪壑古木蔽林丘岌高溪水淺舉網臨

清流得魚但沽酒醉卧夕陽收簫散足為樂富
貴非所謀

嗟我壯遊日始見廬山高維時曉雨過飛泉落
松梢彭蠡溢清漲江漢同滔滔思欲臨絕頂振
衣挹高颺於今四十載霜華盈鬢毛却羨山中
人知音能見招

送劉珣知縣之任

科名士所重循良古亦稀
轉輪不虛歸利器隨
所施武城絃歌化子游
百世師卓茂有遺愛
審

邑千載祠國家設令長匪徒治爾絲所貴能存
恤通顯端可期莆田閩中勝民物稱繁滋子行
如有立斯道增光輝

送王國博赴任

志士貴力行達人安所遇至理諒斯存終身有
依據阿翁居華要噓氣成雨露誰云恩愛中能
不置一語之子抱才猷青雲宜接武胡為默默
然甘與鉛槧處豈無百職司堅肥衆歆慕承迎
期會間趑趄起窺喜怒何如尊師道禮義相賓主

賢關集群英尚思友千古去就涉疑嫌得失生
毀譽射準必成器說獲非良御鶴鳴聲徹天魚
潛時在渚把酒送子行勗哉保青素

題遠禪師木石

世傳靈鷲峯上有盤陀石深根託坤元秀氣蒸
雲液旁植瓊旃檀質瑩玉森立開發協春和凋
謝興時息何人得深趣一揮具真跡孰云萬里
遙分明在咫尺理融物與俱境勝情偏適叢林
月當天萬有同虛寂

賡韻寄陳祭酒

去年春南還自擬必獲一見不意途中相左至
今悵然近承佳章乃知賢友不愜之意言之有
不能盡者謹次韻奉答無以效顰為笑也

玉粒不充饑乳泉不止涓故人遙在望江空海天濶
白鴈東南征歲月坐超忽人生不百年伊誰肯軋沒
耿耿懷抱中那能竟其說

送汪同知還鄉省母

雙旌擁別駕承恩歸故鄉豈謂誇榮耀阿母

在高堂憶昔成童日而父遽云亡何幸母可恃
撫教有義方篝燈課兒誦紡績書案傍廿年猶
一日劬勞獨備嘗孤兒已成名嫠母鬻成霜升
堂拜嘉慶天日增輝光况有賢昆仲梧竹聯清
芳堂下奏瑱麓堂上進酒漿人生有至樂此樂
殊非常母恩不易報君恩不可忘願言早旋
邁致身圖顯揚

存養齋

黃河潤九里斯言出崑崙搏桑蔭東表仰資雨

露恩人心具萬理所貴在操存一為外物蔽明
鑑遂塵昏守我神明舍駕我禮義輪出入慎所
往庶遠鳥獸群

題高空山圖

神靈發幽秘肇迹洪濛初水壺水澄碧華蓋天
開圖世傳蓬萊勝飛下盱江隅時見神仙侶跨
鶴凌紫虛我欲招方平聯馭訪麻姑長生固有
術偷安豈吾徒夕水原委具拳石衡泰如達人
洞物理一本皆萬殊登高望益遠謙尊卑不逾

窮達奚足論所貴仰前模商巖留版築隆中存
草廬但恐有遺老誰肯問起居

輓李敬齋為源作

宰木散零露宿草遍高原
繫人去已久德音今尚存
禮樂弼治化旬宣重藩垣
飛英四十載光榮誰與論
稀年乞閒散惠政千里聞
鼓缶歌日吳飄然遺世塵
嘉澤有餘潤碧梧長南軒
高柯集靈鳳翩翩凌紫雲

贈兵部鄭侍郎賜告南歸

柯山聳空翠，澗水沆瀣漪。秀氣鍾時傑，眼底如
君稀。貞松不易色，壇道無他岐。飛英歷中外，到
虜陽春熙。斯文重交誼，百年願無違。而君以微
恙，請告將南歸。欵弭潞河棹，風寒水流澌。欵折
金臺柳，踈枝葉已飛。把酒為君別，霜花點酒卮。
老懷增感慨，君來良有期。

送魏侍郎赴南京吏部

古人重交誼，德器資陶成。叔度三日別，鄙吝仍
復萌。懿君尚清約，廿載為良朋。離合苦不常，兩

鬢霜花凝國家重根本天官職銓衡況是卿山
近親好多音聲嗟我久衰邁負重力難勝進退
貴知義豈為好爵紫金臺曉飛雪把酒送君行
相期保晚節庶以慰平生

題吳醫士杏逸卷

聖人制醫道妙用參化機呻吟變析笑天閑臻
耄耆窮達隨所施不假勢位為但貴有恒德不
為利所移卓哉嚴陵子種杏事幽棲却笑韓伯
休終有兒女知

題老松圖贈湖藩蹇方伯

策杖步蘿逕從容訪老松良材宜世用胡為老
山中明良際嘉會進退全始終寵利物多忌賢
哲讓成功子房千載士赤松亦無蹤怡然歌古
調林下生清風

會表弟王廷玉

人生在宦途會合恒不易俯憶別君時倏忽踰
四歲髣髴轉蕭疎容顏非昔比今夕喜連床耿
耿不成寐坐聽朝鍾鳴僕夫戒行李鄉山遙在

念老別難為意百年古所稀珍重良無愧

輓鮑處士四首

少微殞白晝淒風生海隅高人不見原草幾
榮枯天道福善類子能讀父書蚤登龍虎榜萬
里青雲途

人生貴為善歿世愧無聞允惟昔賢哲勉圖
所存悠悠蒿里詠燁燁太史銘人心亘千古豈
徒託堅珉

隱居碧雲塢群松鬱崔巍松花任開落清香委

蒼苔主人竟何往
跨鶴訪蓬萊
桑田成滄海
何時當歸來

陽鳥有恒運逝水無停流
所貴存此心不與草木
傳我讀隱居傳翹首望東甌
生葛未可致白雲空悠悠

王氏葡萄

王氏葡萄為翰林侍講王一寧賦也
一寧七世祖卜居台之仙居舍側產葡萄
一本仙居人家所種葡萄皆紫色而王

楊文定公詩集

氏所產如水晶鄉人異之故曰王氏葡萄
及今四十餘年子孫日繁盛識者咸
謂王氏積善之慶兆於茲也一寧追念
先德致此嘉祥乞翰林諸公誅歌以彰
之溥爲之詞曰

積善有餘慶和氣生嘉祥草木固無心造化聿
成章仙居多葡萄殊實凝紫霜王氏有奇品滿
架垂琳琅清白表家聲組綬昭榮光蔓延已八
世子孫益繁昌歲冠登講筵鳴佩趨巖廊昂昂

青雲器悠悠世澤長天道錫善類為德貴有常
感茲念疇昔僊焉增慨慷孟林冬生笋竇氏桂
聯芳安得蘇太史紀續三槐堂

送高編脩致仕還鄉

聖明簡賢俊思與圖雍熙多君居禁近柄用
良有時胡為未七十而興簪笏違萬物分代謝
四序倏推移此身不百年坐嘆筋力衰遊魚思
舊淵飛鳥懷故枝百年半九十止足宜先幾涼
颼吹征旆潞河水漪漪南望冊陽郭迢迢大江

渭林泉有幽賞親舊相追倍徜徉 太平日高
歌擊壤詩嗟我更衰邁酌別難為詞抱琴彈古
調天際孤鴻飛

輓何處士

晉江水鳴咽閨闈雲慘悽少微殞白晝訃音條
西馳多君樂為善壽考昇平時而復有賢子飛
英鳳凰池祿養久云遂 恩封良可期遊子萬
里外永懷風木悲海天遙在望遠鶴何當歸生
芻未可致撫卷寫哀詞

觀安城張氏家什賦

書罔鬱蒼翠釣臺凌紫虛居人鍾秀氣奕世多
文儒長日閱經集有時親耘鋤良氣不可藏抱
藝登雲衢群公入題詠一帙百篇餘悠悠協心
賞保重圭璧如獨憐輞川客百篇存畫圖

書所見

往年駕車牛但見皮包骨今年駕車牛骨上皆
是由勞送非足論所本在芻牧往年恒薄牧今
年幸豈熟達觀洞物情大君叅化育瓶冰天下

寒蔭飛一陽復豫樂衆心同憂勤 聖所獨稽
首頌 皇仁萬年享天祿

贈御史張承翰之官 南京承翰故翰林
檢討伯穎之子分教應天府學九載陞今
官予喜其克承先志賦以贈之

御史雄俊官志士宜優為 朝廷寄耳目百辟
賴綱維糾慝存大體保善略微疵揆已信無忤
公論豈爾違明時簡賢俊顯擢應有時吐剛或
茹柔舉措乃失宜名實一相戾徒為識者嗤多

君儒家子經訓有餘師妙年分郡教九載擁皋
比養成青雲器翩翩振羽儀青纒閒夜雨繡衣
綢晴暉金川遙在望潞河水流漸把酒送君去
停舟重致詞人生備萬善所樂由不欺世途有
夷險王道無偏私美璧終無玷素紵不易縑守
身宜澹泊樂善貴謙卑讀書能躬行聖賢可同
歸斯文古所重毋為勢利移

慈訓堂

寒燈照機杼書聲夜吾伊孤子方成立慈母髻

如絲惓惓三釜養悠悠百年期升堂拜嘉慶載
詠南陔詩

送易景節

春鴈知北嚮昏鴉懷舊林役役遠行客悠悠故
園心雲開海天濶秋高禾黍深骨肉有至樂誰
論季子金

題十八學士琴棋書畫

庭陰方卓午化日舒以長抽絃理別調四座聲
琅琅今樂由古樂仁風貴宣揚如何南薰操千

載稱唐虞 天策隆日表所志匪圖全風雲從
龍虎變化非偶然神器信有歸人謀實自天當
時監司者一着誰當先 至道有弛張膠固非
良器揮灑暢性靈從容事經濟唐虞世已遠貞
觀寧易致却笑籠鵠人徒知逞姿媚 瓊館萃
群哲禮義何殷勤豈徒事繪素王業資經綸湯
武有高躅大義日星陳惜哉徐洪客不預登瀛
人

稅丘處士

倚蘭抱貞操幽谷揚清芳君子樂為善潛德益
有光堂封長春草宰木凌秋霜所貴賢子孫惓
惓終不忘

挽孫曰儉

銳志榮祿養東書遊皇都坦坦萬里道出門整
其途難兄對床夜夢回春草枯况有白頭親朝
暮倚門間顏跼無壽天天道竟何如魂兮招不
返落日下平湖

崇孝堂

至理無定在所愛重圖存處變易處常吾身本
吾親吾親疾可愈寧忍惜吾身嗟哉孝子孫倉
卒誰與論至誠貫金石至孝感鬼神何當化梟
獍同歸龍鳳群

竹泉毗陵朱善慶之別墅也善慶富家子
予聞其昆弟讀書知為善是宜有賢子孫
光大其家者為之賦云

憶昔杜陵老高詠鳳凰篇剖心當行實瀝血比
醴泉誓將孤鳳雛毛融五采金此心徒耿耿於

今千百年毗陵有佳士卜築滄江邊種竹久成
林疏泉匯為淵餘音共芳潤世澤同綿延何當
毓靈鳳群飛集東園

送徐訓導

玉琢始成器淵深斯有濶為師恒不易記誦非
所難之子富文學碩教方東還東甌嘉山水人
物何班班我聞安節公但道鄉里閒懿躅殊不
遠勗哉良可攀

題梅竹

倚倚淇園幹湛湛羅浮香
雙清凌萬彙一白超群芳
共結歲寒盟同登君子堂
回首望林壑草莽摧冰霜
伊誰託毫素意趣何悠長
夜深月皎清夢飛滁陽

輓范處士

首丘遂初心慶澤有餘溉
景仰文正風雲孫竟何在
皎皎吳門月亭亭出滄海
照彼墓碣文長夜生光彩

悼孝堂

失怙恨苦早家計况蕭然衣食勞阿母敢辭同
雅年拾穗窮日力讀書夜無眠孤而底成立阿
母雪盈顛惓惓烏鳥情允矣金石堅神明錫慈
祐沉疴遂云痊高岸為深谷滄海成桑田悠悠
孝子心萬古南陔篇

送陳叅議

昔日與君會芳容渥如丹于今與君別兩鬢秋
霜寒迢迢洛河水望望匡廬山水深不可測山
高詎能攀功名適染指桑梓足怡顏憑高望君

處孤鴻白雲端

輓尹處士

廬山雲漠漠潞河水悠悠
白首遊京國丹旌返
林丘人生貴為善為善足
貽謀人生貴有子有
子萬事周重泉擁白晝
孤鴻凌高峽悲歌不盡
意古木風颼颼

輓王御史母

慈訓夙有方恩榮良慰意
壽愷百年期胡為遽
殞棄倚閭暮無人白日
候以墜傷哉孝子心悠

悠西江水

送徐憲副

驄馬臨長道，繡衣照高林。
澄清開素志，豈辭萬里遊。
日月有餘光，曾不照覆甌。
民情至幽隱，所貴在諮諏。
層霄振逸翮，熟路駕輕輶。
行看隨車雨，普洽西南陬。

輓丘員外母

榮恩表慈訓，祿養介高年。
悠悠千載下，誰知孟母賢。
詩書課諸子，篝燈夜忘眠。
辛勤相厥家門。

戶多衣冠萬物有代謝四序相推遷坐看萱草
花零落秋風前總維白日晚新塚夜啼鵲賢郎
獨有淚應徹九重泉

題山水圖

憶昔讀書處茅屋湘江湄白雲山遠近流水橋
東西孤舟維野渡羅逕人踪稀悅懷千古士誦
聲日吾伊別來歲月久聰明愧前時披圖歎考
槃思逐冥鴻飛

送蔣司訓

穉空度征鴈穉水清且連之子領教秩明發
河船親舊篤世好秩秩開賓筵把酒不盡飲
臨行復贈言為師良不易況子方少年古道在
詩書子行須勉旃

輓段民侍郎

安居駕平陸逸足騰康莊萬里端可致中道遂
摧傷人生有修短達觀無彭殤君死猶可憫老
母在高堂橫山雲漠漠澄川水茫茫為君歌哀
些涕淚沾衣裳

貞壽堂

君子期偕老婦人無二天方茲嫵婉日胡為遂
棄捐仲子猶在腹長兄方穉年紡績給衣食燈
憲夜無眠但願子成立寧知歲月遷安節有亨
理天道無或愆子能讀父書阿母雪盈顛萱草
滿北堂慈竹當前軒相對百憂忘行看雙鳳騫
王學士乃兄稼軒輓詩

猗蘭本同植隨處聞清香丹山毓雙鳳五采備
文章三槐古右族奕世承芳芬季方挺國器高

節稱元方田園日成趣託興追羲皇西昌文物
郡士譽獨洋洋君子享多福百歲宜康強人生
固所願天道不可常孤鳳去不返秣蘭早凋傷
嗟哉同氣人千古恨茫茫

輓袁知縣

鄉愿臻壽考負乘殞驕矜誰能固自我生順沒
以寧五十不云天百里足馳名悠悠武城化猶
聞絃誦聲臨風歌哀些把酒酌歸情何當起袁
安為國牧群氓

南昌游公世溫由重慶改判荊州荆予鄉
郡世溫儒者鄉郡有儒者判之吾人必有
受其惠者特賦以此贈之

當宁重邦本簡賢福斯民豈徒重牧守倅貳循
擇人副茲憂勤意所貴存吾仁堂下遠千里幽
隱如覆盆君由科目顯雅道素有聞烹鮮煩即
碎治絲急乃焚寸心苟不煩滿郡皆陽春去去
佇徽音古人期等倫

浙江僉憲顧仲謙以老疾致仕予惟同年

在宦途者無幾而仲謙又歸矣情不能忘
賦此以贈之

四時相代謝寒暑迭變更人生百年內出處宜
有恒紅顏不長好白髮候已盈迴彼澄清轡遂
茲柔梓情微霜落高柳風勁孤帆輕維揚多故
舊尊酒歡相迎

輓奉聖夫人

悽風起天木嫠女夜無光慨彼賢淑人一旦遂
云亡惜昔潛龍邸瑤光晝庭翔夫人應明教保

抱良有方辛勤二十載大寶歸元良賡言念嘉
績報稱殊非常錦軸紫鸞誥珠冠綵霞裳襲封
及夫子存沒俱光揚甲第啟華構渠渠鳳城陽
內帑頒金帛大官餽膏粱恩隆心愈下溫恭恒
自將蒼、福善類百年宜慨康鼎湖龍遽升鳥
跡抱悲傷引領望喬陵竟遊白雲鄉丹旌出東
郭靈車登崇崗女工古所重揮毫賦哀章

杏園雅集

太和暢群芳斯文屬清暇况復名園中樂事曩

幽雅達觀不遐遺同仁仰神化願此陽春暉
遍照覆盆下

恒齋

古人惟謹德千載垂令名今人崇古道所貴德
有恒貧賤易卑屈富貴易驕盈方寸分畦町平
地波濤生操存獨知要曉彼戶牖銘仁讓為聞
與禮義是門庭拳拳旦終始我德庶有成一朝
膺剡薦千里佐專城發軔良自茲政和民以寧
卓哉循吏傳悠悠昭德聲

早朝喜雪分題得衣字

堯天春皞皞帝德日巍巍燮理資元老萬國躋
雍熙惟時屆陽月玄冥肅其威太和幹元化瑞
雪應時飛盈盈丹鳳闕皎皎萬年枝包荒均
覆庇托重尚維持二鸞興曉日蹕玉署啓宸扉
豐年喜有兆好爵非徒縻大官具珍饌良醖分
金壘地嚴恩意洽時泰物情嬉緬懷古賢哲悠
然起遐思德業期遠到利澤須及時周書恒咨
怨西風詠無衣覆盆有同胞豈無寒與饒人生

百年事嘉遇千載期姬轍志孔孟虞廷列皋夔
愧我樗櫟材簪紱久追培盛時歌聖化三復勅
天詩

輓劉子欽母

婉婉生名家端莊有懿德君子夙好述允矣宜
家室孤鳳鳴朝陽妖雉次搏擊廬墓守窮年教
子坐終_無死者目既瞑生者學以殖祿養方怡
情桑榆景何逼九原見亡人素志求無忒悠悠
太史銘千載賁窀穸

送教官劉行恕

迢迢江海路悠悠鄉里情愧我久衰邁多君是
俊英相見遽相別對酒心縈縈君少遊鄉校苦
學早成名行當擁皋比聚徒講前經東魯禮教
地師道不易勝尊光由謙抑大器戒滿盈聖人
垂名訓講學資友朋勉為有深造吾道增光榮

楊文定公詩集卷之二終